

# 永樂大典

卷二千九百五十  
三

永樂大典卷之二千九百五十三 九真

神

太上飛行九神玉經

一名金瓶內文太上大道君告北極真公曰吾昔遊於北天策

駕廣寒足踐華蓋手排九元逸景雲宮遊戲北玄道遙明陰之館賞于洞  
毫之門時瓊璣以召運促刻會以律輪數萬物之凋衰俯天地而長存乃  
覺九星之奇妙悟斗魁之至靈也夫九星者實九天之靈根日月之明梁  
萬品之淵宗也故天有九氣則以九星為其靈紐地有九州則以九星為  
其神主人有九心以九星為其命府陰陽九宮則以九星為其門戶五  
嶽四海則以九星為其淵府五九參列網維無窮制御天宿迴轉三辰調  
理四五效天地得存萬品之所宗神仙之所憑夫天無九星則無以為高  
清地無九星則無以為至靈人無九星則九孔不明上帝兼之以通真神  
仙憑之以得成五行來之以致度萬物稟之以得生也天清地靜則九星  
燦明天激地否則九星野昏瓊璣召劫度之期天關運五行之氣輪空洞

永樂大典卷之二千九百五十三

一

之大幅促九天之應會是以神光轉灼玄監萬生修行越位以告災祥天  
地所以有大運之交百六應符皆九星緯轉數終所以陰陽劫蝕二氣否  
激天籟地覆九海冥一金玉化消毫末不失也悉九星之所迴瓊璣之所  
促明天地之用玄網之妙得其中則有空常隱步藏景逃形變化三辰萬  
物立成黑點隱淪二十五名其趣幽微秘不下傳上有九辰華君中有九  
皇夫人菟精龜靈皆九斗之威神吐煥七曜之光流映九天之門洞朗幽  
虛無毫影也其星陽芒則為流金火鈴陰芒則為谿落七元皆高上之  
靈采元始之威章也龍飛尺素之訣隱諱口口之中列帛華展之下羊馬  
禮天以招真則玄光曲照于盟場九辰下降於靈宇夫人懽悅於寢席玄  
斗記名於時時有知此道存之便足以克大劫之會度洪災於甲申也修  
之二七年便得晏鴻翻而騰翔斥紫霄而升晨也此玉清之上道不比上  
清之中仙也玉清則上清之高真上清則太清之高神太清則飛仙之高  
靈凡行玉清之道出則諸天侍軒給玉童玉女各三千人建三七色之節  
駕紫雲飛輦十二瓊輪前導鳳歌後從玄鈞六師啓路飛龍翼轅其位准  
高仙列圖玉清行上清之道出則五宿侍衛給玉童玉女各一千五百人建  
紫毛之節駕飛雲丹輿前吹鳳鸞後奏天鈞玄龍啓道五帝參軒位准上

# 永樂大典

卷二九五三

清左右位卿行太清之道出則五帝侍衛給玉童玉女各八百人建五色之節駕龍輿飛烟前嘯九鳳後吹八鸞白虬啓道太極參軒故真中有高卑玄中有階次也玉清之道玄遠絕邈不比中真及飛仙之徒九星上法玄映之道吾昔受之於元始于今七億萬劫經天地成敗萬品衰滅而其道獨存今猶修之於雲景之上而不能忘之於特節者意玩此道高妙愛樂夫人接遇也况來生始學飛晏之舉而不知幽尋步空之法何由得披重霄之門觀天地之始終乎既無此道與九晨異域夫人絕遊也徒有玄名帝錄超卓高憐正可得策駕雲龍遊謁五嶽但不死而已如此望踐斗魁旋步華晨騰景玉清當未有期也予方當正御劫運封掌十天科簡玄錄理判神仙宜受此法以綜萬生今出相付子秘而修焉九晨真人曰行飛步之道先一日沐浴齋淨是日於中庭布星圖隨斗建也北向長跪燒香於玄冥星下叩齒三十六通閉眼存歲星在左脇太白星在右脇熒惑星在頭上辰星在臍下鎮星在心次覆衣九星先舉左手屈於頭上如斗勢存陽明星在左手掌中陰精星在左肘上真人星在左乳上玄冥星當心故燒香於玄冥星下而存中因心而在天也丹元星在右脛上北極星在右膝頭上天闕星在右足脛上輔星在臍下擲星在頭上畢微呪

永樂大典卷二九五三

二

曰衣天斗戴金巾乘魁罡入斗門朝真人拜華晨二十八宿覆絡我身乘空步虛飛升自然畢咽氣九過止次舉右手如斗勢臨頭上存陽明還右手掌中陰精星右肘上真人星在右乳上玄冥星當心上丹元星在左脛上北極星在左膝頭上天闕星在左足脛上擲星在左目上輔星在右目上畢微呪曰我乘斗元履斗魁行飛仙得天心萬神懽隨形歲景變化萬端敢有干試收繫斗門掃除不祥正真明分左煥火鈴右輝靈幡威光萬里嘯命立前玉帝所呪靡不如言畢咽氣十六通止次乘斗旋行斗星之外步斗魂魂從天樞星上對陽明次登天璇天機以次周於隱元往反三過畢於隱元星上歌三洞飛空章而登陽明也使立也夫人形像如左也第一天樞星則陽明星之鬼神也天樞星威而不耀光而不照潛洞太虛圍九百二十里對陽明星之西北門其星則號元斗宮魁精玄上真皇夫人姓明通諱覽玄真名上精頭建飛雲華顏之髻餘髮散至腰衣紫黃青三色之襪帶九鈴之綾口恒吐青氣之光以注於陽明星上以明星之煥也修飛步之道當思夫人姓諱形像然後呪則鬼神澄正明星懽悅天光洞映使魂影俱飛登晨也并足上天樞星上對陽明星左手撫心右手指陽明星叩齒九通咽液九過閉氣三息而微呪曰天妃九星凝

氣結成七情纏絡號曰玉皇。上建華蓋下躡斗魁身乘天機飛步瓊軒魂  
 精靈靈成以合仙保元日月天地長存隨運變化夫人齊連上以九天半  
 景自然畢閉氣三息次左足躡天旋進右足與左足并通氣 第二天璇  
 星則陰精星之龜神也天璇星景而遠映昭而不煥潛洞太虛圍五百五  
 十里對陰精星之西門其星則號玄斗宮精上玄皇夫人姓玄鏡諱鬱  
 勃光真名金歸頭建飛雲華頓之髻餘髮散垂腰衣飛錦羅縠鳳文鈿帳  
 帶重飛紫綬口恒吐黑氣之光以至於陰精星上以明星之暉曜也修飛  
 步之道當思夫人姓諱形像年足上天璇星上對陰精星左手撫心右手  
 指陰精星叩齒九通咽液九過閉氣九息而微呪曰北玄皇靈九上開清  
 玉華皆縹緗絡紫庭今日飛步萬道通明龜兔登正安附我形無使飛翔  
 回斗北星上翕玄精飲以玉泉變化九微保命天靈畢閉氣三息次進左  
 足躡天璇星次右足來并通氣 第三天機星則真人星之龜精也天機  
 星猛而不顯暉而不耀潛洞太虛圍七百七十里對真人星之東南門也  
 其星則號上精宮靈妃元皇夫人姓常明諱化雲真名流端頭建晨嬰寶  
 冠衣飛雲明光錦襪帶六山飛履之綬口恒吐黃氣之精以注真人星上  
 以明星之暉也修飛步之道當思夫人姓諱形像年足上天機星上對真

永樂大典卷三十九百五十三

三

人星右手撫心左手指真人星叩齒九通咽液九過閉氣十二息而微呪  
 曰靈妃元皇九星中真上理璣度總監諸天下次群方遊景紫閣是日上  
 去皇道敷陳潤流九外曲灑我身飛行羽步上入帝景與皇同胃水車刻  
 年畢閉氣三息 進左足躡天權星進右足與左足并通氣 第四天樞  
 星則玄冥星之靈也天樞星微而隱隱而洞映潛洞太虛圍八百里對  
 玄冥星之東門也其星則號網極宮上靈神妃華皇夫人姓開生諱運明  
 真名嬰闌頭建七稱之冠衣緋羅鳳文之襦帶金真玉光口恒吐赤氣之  
 精以注玄冥星上以明星之煥曜也修飛步之道當思夫人姓諱形像年  
 足上天樞星上對玄冥右手撫心左手指玄冥叩齒九通咽液三過閉氣  
 三息而微呪曰神妃上靈號曰華皇安鎮華蓋北上之宮左侍玉女右衛  
 靈童道引七情九輝之光為我致真飛步天罡使我龜兔俱升帝堂畢閉  
 氣三息次進左足躡玉衡星進右足與左足并通氣 第五玉衡星則丹元  
 星之龜靈也玉衡星大而嘿躡而不煥潛洞太虛圍七百二十里對丹元  
 星東北門也其星則號紀明宮北上金蓋中皇夫人姓元方諱神武真名  
 勃頭建紫晨飛華之冠衣九色之襦帶神虎王文口恒吐白氣之光以注  
 丹元星上以明星之暉也修飛步之道當思夫人姓諱形像年足上玉衡



星上對丹元星右手撫心左手指丹元叩齒三通咽液三過便閉氣三息而微呪曰皇華中妃上元所居九斗吐暉精煥八燭流煙鬱勃散靈朱虛使我魄靈天地同符形魂俱升駕空乘虛玉光纏絡丹軒紫輿飛行北上參受護書畢閉氣三息次進左足躡闔陽星進右足與左足并通氣 第六闔陽星則北極星之魄靈也闔陽星朗而潛照暉而不煥洞微太虛圍七百七十里對北極之下開北洞之門也其星則號紫極宮安上晨華元皇夫人姓王元諱根華真名冥會頭建王晨進賢之九衣飛青羽襪帶流金火鈴口恒吐綠氣之精以注北極星上以明星之暉暉也修飛步之道當思夫人姓諱形像并足上闔陽星上對北極星而左手撫心右手指北極叩齒三通咽液五過閉氣五息而微呪曰九天上帝黃華之宗運轉璇璣總輪八方使 飛步躡紀天綱反覆交并三五縱橫通靈八微羽衣玄黃龍輿玉景飛 空長享眉壽天地同功畢閉氣五息次左足躡瑤光星進右足并通氣 第七瑤光星則天關星之魄太明也瑤光星則光轉空洞迴旋天關也潛煥太虛圍九百九十里對天關星之南門下對北極星也其星則號暉天宮玉華靈皇夫人姓度元諱終會真名啓光頭建飛華顏雲之髻餘髮散至腰衣七色夜光雲錦之帶九色錦帔九天威靈玉策

口恒吐赤氣之精注天關星上以明星之大光也修飛步之道當思夫人姓諱形像并足上瑤光星上對天關星而左手撫心右手指天關叩齒九通咽液九過閉氣三息而微呪曰天地迴轉七光大明旋輪九氣上應玉清中有夫人號 靈玄映九卜無毫不生是曰良吉飛步紫庭使我魂魄安附身形變 出幽入冥 地同輪萬劫不傾保仙上元九晨齊精畢閉氣七息 左足躡洞明星進右足并通氣 第八洞明星則輔星之魂精陽 也洞明星則光心諸八輪上宿流暢太虛圍九百九十里上對輔星西南門也在天門之上梁北極之陽芒也其星則號空真宮太明常皇夫人姓幽昇諱無前真名空變頭建飛雲華顏之髻餘髮散至腰衣飛羅 帶九光之綬口恒吐青氣之精注於 之上以常陽大光也修飛步之道當思夫人姓諱形像并足上洞明星上對輔星而右手撫心左手指輔星叩齒九通咽液九過閉氣三息而微呪曰三五飛行天地開張九元迴網合組上京天真散靈萬道溢昌夫人曲映是 言良飛步斗魁旋行玉網頭戴華蓋足履常陽遊戲三清變化萬方保仙自然享壽無窮畢閉氣十二息次左足躡隱元星進右足并通氣 帶九隱元星則樹星之魄明空也隱元星則隱息華蓋之下潛光耀於空洞之口九